




PEDI – Lost

# LAHLEGILE



Go lahlega ka gare ga lesodi le legolo le le tletšego dibata tše šoro le dinoga tše bohloko bja polao, go boifiša gagolo. Go lahlega lešokeng moo go se nago le meetsi, go se nago le ditsela, go se nago motsamaiši go ka go iša lehung. Go lahlega lewatlang o se na tšhupakhutlo, o se na dijo le meetsi, o se na se se kago sepediša leselawatle la gago, o se na se se go šireletšago letšatši goba phefo, ke lehu. Ge o ka lahlega dithabeng tše di telele tše apeši-

tšwego ke lehlwa le kapoko o tlo hwa. Empa go lahlega lefaseng la sebe le bokgopo ke kotsi ye e fetišago tšohle, ka ge e go iša tahlegong ya moya le lehung le le sa felego sekoting sa mollo. Mongwadi wa Dipsalme o re: Ke hlhlathetše bjalo ka nku ye e timetšego. *Dipsalme 119:176*. Dinku di swanetše go dišwa. Kantle ga moo di tlo ba dijo tša dibata bjalo ka ditau, dibera le diphiri. Di hloka badiši ba makgonthe bjalo ka Dafida yo a ilego

a bolaya tau le bera. O be a ineditše go lahlegelwa ke bophelo bja gagwe ka baka la dinku. Rena re hloka Yesu, modiši wa makgonthe yo a tshepegago, yo a šetšego a neela bophelo bja gagwe ka baka la rena me yo a re išago mafulong a matala le meetsing a makhutšo. Yesu o itše: Nna ke modiši yo botse. Tše e lego tša ka ke a di tseba, tša ka le tšona di a ntseba.

Ga go a lekana ge dinku di na le modiši. Modiši o swanetše go ba modiši wa makgonthe. Modimo o itše go Jeremia: Setšhaba sa ka e be e le mohlape o lahlegago; se timeditšwe ke badiši ba sona. *Jeremia 50:6, 7*. O se ke wa latela badiši ba baikaketši, difofu tše di etelago difofu tše dingwe pele. Latela Yesu yo a tlilego go nyaka le go phološa ba ba timetšego. O tlo latela ba ba lahlegilego go fihlela a ba khumana.

Mengwaga e mentši ye e fetilego ke ile ka hlakana le batsomi ba babedi ba Borwabodikela bja Afrika, bao ba ilego ba lahlega leganateng la Kalahari. Ba be ba sepela ka koloi ye e gogiwago ke ditonki tše masopedi ba lebile leganateng. Ge ba fihlile thabeng ya mafelelo ba na le basadi le bana ba bona, ba hloma ditente tša bona. Go tloga moo banna bale ba babedi ba ya go tsoma diphoofole. Ka letšatši le lengwe ba ile ba hwetša mohlala wa diphala. Ba o latela go fihlela ba tsena garegare ga leganata. Ge tswahlana e tšeatšea motsomi wa mathomo a bona diphala tšela, a thuntšha tše pedi tša tšona me a retologa go lebelela mogwera wa gagwe, a makala ge a sa mmone. (Yola o be a latetše mohlala o mongwe a holofela gore le wona o tlo mo iša mohlaping woo, a sa botše mogwera wa gagwe). O ile a boela morago lerotobolong le a sa tšo go le tshela a le gare a nyaka motsomi yola a se mo hwetše. Ge a ntse a lebelela, leswiswi la aparetša a lahlegelwa ke ditšhupo tša gagwe. A sepela bošego a leka go bona mello ye e swanetšego go mo šupa moo ditente di lego gona empa ga a ka a e bona. A tšwela pele a ba a fetša dihora tše masotshela-nne a sa ntse a sepela, go fihlela a wela fase ka go šitega, a lahlegile a bile a swerwe ke lenyora. Leleme la gagwe le be le rurugile le bile le etšwa madi le lekeletše molomong wa gagwe. O be a lahlegile moka a bile a ehwa ka lenyora, a le lešabašabeng le le fišago la leganata. Ge a robetše fase bjalo, a le makgatheng a go hwa, a thoma go llela thušo go Modimo. Ga a ka a kgona go ntšha le lentšu le e tee le le kwalago la thapelo, empa Modimo yo a bonago pelo ya motho, o ile

a kwa sello sa pelo ya gagwe. E sa le semetsing motsomi yo a hwago a bona sefapano kgojana me sefapanong seo go ile gwa tšwa sello se segolo se se rego: Ke nyorilwe! O ile a tseba gore sello seo ke sa Yesu, seo a ilego a se lla kwa sefapanong. Se ile sa tsena mmeleng wa gagwe e le maatla a a mpshafatšago bophelo bja gagwe. Lenyora la gagwe le ile la fela ge a gopola gore Yesu, Morwa wa Modimo, o ile a nyorwa sebakeng sa gagwe sefapanong sa Gologotha. Leleme la gagwe la fetša go phopha madi me la boela sekeng sa lona. A tsoga ka maatla a mafsa. Go lapa le go felelwa ke maatla go be go mo tlogetše. A leboga Modimo ka ge Yesu a ile a nyorwa bakeng sa gagwe sefapanong gore yena a lapologe a amogele maatla a mafsa. A leboga Modimo ka pelo ya gagwe ka moka ka go hlakana le yena ka tsela ye e makatšago. Ke moo a thomilego go lelea ka mathoko ohle a ipotšiša gore a ka leba kae moo a ka go hwetša batho ba gabo. A sa lelea bjalo a bona letsogo le le botse la motho le šupa pele ka monwana o tee. Ge a batamela a sa maketše letsogo le a le bonego, la šuthela pele. Ya ba gona a rego: Le ke letsogo la Modimo le monwana wa gagwe. A le latela dihora tše masopedi. Ge a sepela, letsogo la mo eta pele, ge a ema, le lona la ema. Mafelelong letsogo la ema sedibeng sa meetsi a tonyago. A a nwa go fihlela a nyorologa. Ya re ge a gadima a lemoga gore letsogo le nyamaletše, fela a bona ditente tša mo ba dulago ka morago ga marotobolo. Ge a fihla ditenteng a hwetša batho ba gabo ba mo rapelela gore Modimo a mmušetše gae. Le motsomi yola yo mongwe o be a le gona a le gare a rapela. Le yena, Modimo o be a mmušetše gae ka tsela e makatšago ge a be a lahlegile, ka go latela mohlala wo e sego wona. A lemoga gore o lahlegile a ba a sepela bošego ka moka a nyaka ditente a se di bone. Ge go esa a makala a bona morwa wa gagwe wa dilemo tše robedi a mmitša ka seatla a eme mmotong wo o lego kgauswinyana. A ipotšiša gore na mošimane yo o sepetše bjang leeto le le telele le lekaakaa a le noši. Le ge dikgato tša mošimane di sa bonale, o be a mmone gabotse ponong ya gagwe me a sepela a lebile gona. A tshela marotobolo a tshelago. Ge a fihla lerotobolong la bošupa mo mošimane a bego a eme gona, a thoma go bona ditente tša bona di le kgauswinyana. A re ge a fihla gae a hwetša ngwana wa gagwe a ile le boroko a robetše malaong a gagwe. A lemoga gore Modimo o mo šupile pono yeo go mmušetša gae.



Le rena re batsomi, ba ba tso mago dilo tša lefase le. E ka ba mahumo, go tsebe ga, boiketlo, tšhelete, dikgahlišo, katlego le tše dingwe tše di ntši, ra ba ra lebala go tso ma mmušo wa Modimo le toko ya wona. Re lahlegile leganateng la moya wa lefase le. Meoya ya rena e nyoretšwe Modimo, Modimo yo a phelago, go fihlela re llela go Yena ka boikokobetšo. Ya ba gona Yesu a iponagatšago go rena a le sediba sa bophelo. Yesu o itše: Ke tšile go nyaka le go phološa se se timetšego. O tlo nyaka nku ye e lahlegilego go fihlela a e hwetša. O nyaka wena le nna. Nku e lahlega bjang? E lahlega ka go duma dilo tše mpe, ka go se theeletše pitšo ya modiši; ka go šala morago mola modiši a tšwela pele le dinku tše dingwe, ka go theeletša lentšu la mokgeloši goba ka go eta modiši pele go ikgethela mafulo a yona.

Morwa wa motimedi o ile a lahlega bjang? O ile a lahlega ka go duma dikgahlišo tše mpe tša lefase le. Ga a ka a leboga tatagwe, o be a swe-rwe ke lerato la tšhelete, e lego modu wa dibe ka moka. Modimo wa lefase le o mo fufaditše mahlo, gore a se lemoge ge a thedimogela lerageng la sebe mo a bilego a sobela, kgole le Modimo le tatagwe, yo a ilego a mo lateletša ka dithapelo. Ge a sa ntse a diša dikolobe a swerwe ke tlala, a phafoga botlaeleng bja gagwe. A tlogela mohlape wa dikolobe le mong wa gagwe yo mobe yo a bego a sa mo dumelele go tlatša mpa ya gagwe ka mekgatša ye e lewago ke dikolobe. A tla go tatagwe a re: Ke senyeditše legodimo (Modimo) le pele ga gago; me ga ke a swanela go hlwa ke bitšwa morwa wa gago. Ga a ka a sola motho yo mongwe ge e se yena mong ka go re: Ke sentše. *Luka 15:11-32*. Tatagwe wa lerato o ile a mo amogela ka lethabo ka go re: Morwa wa ka yo o be a hwile (moyeng), gomme o boetše o a phela; o be a lahlegile, me a bonala.

Yesu o itše: Mosadi ke mang e a nago le mašleng a lesome, ge a timelelwa ke e nngwe ya tšona, a ka se kego a gotetša lebona a swiela ngwako, a e tso meša gagolo, go be go tle a e bone. Gomme ge a e bone, a bitša bagwera ba gagwe le baagišani; a re: Thabang le nna, gobane šleng ye e bego e ntimeletše, ke e bone. Ga go na motho yo a ka go sola silbere ye e lahlegilego.

Maria le Josefa ba ile ba lahlegelwa ke Yesu tempeleng kwa Jerusalem, ba mo nyaka matšatši

a mararo go fihlela ba mo hwetša. Diketeketse tša maloka a dikereke a sa lahlegile le lehono ka ge a sa tsebe Yesu ka sebele. Ga bešo ba mo hwetša ka therešo, ga ba ka ba tswalwa lefa ka Lentšu le ka Moya o Mokgethwa ka go amogela Yesu go ba Mophološi wa bona. Ba lahlegetšwe ke mmušo wa Modimo. Yesu o itše: Sokologang gobane mmušo wa Modimo o batametše. Ge motho a sa tswalwa lefa, a ka se ke a bona mmušo wa Modimo. Tseba gore Yesu o sa ntse a nyaka ba ba timetšego gore a be a ba phološe. O a go nyaka; ge e le gore le wena o a mo nyaka, go kopana le yena go tlo go fa lethabo le o sešogo wa le tseba bophelong bja gago. Mohlomongwe o lahlegetšwe ke khutšo, tlhweko, lethabo la tebalelo ya dibe goba bohlatse bja gago pele ga Modimo le batho. Nyaka o be o di hwetše go Yesu. Ka nako enngwe o lahlegetšwe ka maphelo a gago, boemo bja gago, mošomo wa gago, thušo ya gago goba tšhelete ya gago. Tliša matswenyego le masetlapelo a gago go Morena yo a nago le maatla a go go bušetša selo se sengwe le se sengwe. Empa o gopole: E a ka ratago go phološa bophelo bja gagwe o tla bo lahla, gomme e a ka lahlogo bophelo bja gagwe ka baka la Kre-ste, yena o tla bo phološa. O ka rua lefase ka moka wa ba wa lahlegelwa ke moya wa gago wo o lego bohlokwa go phala maruo ohle a lefase le.

Rena bohle re lahlegile moka, go se na learogi, me ga re na tšhepo: Ge re ka re: Ga ra ka ra dira dibe, gona e ka ba go mo dira wa maaka, gomme Lentšu la gagwe le tla ba le se gona mo go rena. *I Johane 1:8-10*.

Ga go na ka o tee yo a swanetšego go dula a lahlegile, ka gobane Morwamotho o tšile go nyaka le go phološa se se timetšego. *Luka 19:10*. Morena o kgauswi le wena me ge o ka mo nyaka o tlo mo hwetša, empa o swanetše go mo nyaka gona bjale. Nyakang Morena e sa le lebaka la go ka mmona, le mmitšeng a sa le kgauswi. *Jesaia 55:6*. Mophološi yo a nyakago le modiradibe yo a nyakago ba tlo hwetšana. Ye ke nnete ye e tiilego. Nyakang ke mo le tlo go bona. *Mateo 7:7*. Ge o mo khumane me o mo neetše bophelo bja gago, thato ya gago le tša mabaka a a tlogo diatleng tša gagwe, Yena, modiši yo botse ya dinku, o tla go iša mafulong a matala le bophelong bjo bo sa felego.

Wena yo a lahlegilego, mmitše gona bjale. O se ke wa diega, ka gobane yo a rapelago leina la Morena o tlo phološwa. *Ditiro 2:21*.

# ETŠWA


Etšwa pušong ya sebe. Etšwa taolong ya Sathane. Yesu ke kgoši ya dikgoši le Morena wa marena. Mmuso wa leswiswi o fentšwe ke Yesu yo a lego kgoši ya seetša le kgoši ya khutšo. Etšwa bokgobeng bja sebe, bokgobeng bja Sathane. Yesu o tlile go go lokolla. O lefile tefo ya tokologo sefapanong sa Gologotha. O go hwetše gore a go lokolle.

Etšwa bokgobeng bja poifo, poifo ya lehu, mo Sathane a go tlamilego gona ka matšatši ohle a bophelo bja gago. Yesu o fentše sebe le lehu sefapanong mo a hwetšego wena le nna. O tsene lehung a ba a le fenyā. O tsogile lebitleng go phela ka go sa felego. Rena re phela ka gobane yena a phela. Re bapotšwe, re hwile ka thoko ya lefase, sebe le bonna, ka ge Yesu o ile a bapolwa, a hwa bakeng sa rena. Empa o tsogile bahung go ba tokafatšo ya rena gore ka yena re be le bophelo bjo bo sa felego.

Sathane, yo a kilego a ba lengeloi la tšireletšo, mohlakomedi wa lefase, o ile a iphagamiša godimo ga Modimo a re: Ke yo dula kwa go itlhopilego maru, ke yo etša Yogodimodimo. Empa Modimo a fetola a re: O kgoromeleditšwe mono go dulago bahu, fasefase sekoting. *Jesaya 14:12-16.*

Sathane, yo a lego modimo le kgoši ya lefase le, o fentšwe. A ka se ke a hlwela a buša makgoba a gagwe, kante le ge ba ineetša go yena ka thato ya bona beng.

Modimo o re botša gore re tšwe pušong ya sebe le ya Sathane. O beile Yesu go ba mmuši wa batho le kgoši ya tšohle. Tšwang-ge moo gare ga bona, le khuduge; o realo Morena. *2 Ba-Korinthe 6:17.*



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)